

मदवो घूम रयो हाथी रे,
दोहा कबीर कमाई आपरी,
कभी यन निर्फल जाय,
सौ कोसो पीछे धरे,
मिले अगाऊ आय ।

मदवो घूम रयो हाथी रे,
मधवो घूम रयो हाथी,
अमर पट्टो म्हारे सतगुरु दीनो,
चाकरी साँची ॥

सतगुरु आँच दीनी म्हारे तन में,
विरह भट्टी जागी,
सूरत कलाली फेरे प्यालों,
पियो नी सेण साथी ॥

पीवत प्याला जेज न लागी,
भभक तार लागी,
सोहंग तार लगी घट भीतर,
सुरता रही माती ॥

नशा किया तब बकने लागो,

अणभय री भाखी,
होय मतवालों जूझू रण में,
छोड़ू नहीं बाकी ॥

उल्टी राह चले सन्त शूरा,
चढ़े बंक घाटी,
निशिदिन गोला चले ज्ञान रा,
काळ भाज नाटी ॥

धिनसुखराम मिल्या गुरु पूरा,
दीनी सेन साँची,
ईश्वर नशों भारी कबहुँ न उतरे,
रेवे दिन राती ॥

मधवो घूम रयो हाथी,
अमर पट्टो म्हारे सतगुरु दीनो,
चाकरी साँची ॥

गायक महेंद्र जी राणासर ।
प्रेषक रामेश्वर लाल पँवार ।
आकाशवाणी सिंगर ।
9785126052



Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZjyhhKzSUD-Lt9Tw>